

**L E S C H A D A P E R I M E T E R** \*1)

**per la vischnaunca**

**da**

**T R U N**



**1988**

\*1) Questa lescha vala ad interim vinavon per la nova vischnaunca da Trun  
(aschuntau tenor art. 3 e 4 dil contract da fusiun).

## **LESCHA DA PERIMETER**

La vischnaunca da Trun relai sin fundament digl art. 1 alinea 2 dalla lescha cantunala da perimeter dils **28-09-1980** las suandontas prescripziuns:

### **I. DETERMINAZIUNS GENERALAS**

#### **Art. 1**

##### ***Principi***

La vischnaunca da Trun sa pretender dils proprietaris da schischom contribuziuns, ils quals obtegnan entras erecziun, l'ingrondaziun u megleraziun, la midada u il manteniment d'implorts publics in avantatg economic.

#### **Art. 2**

##### ***Fixaziun dallas contribuziuns en general***

Da principi ein las contribuziuns dils proprietaris da schischom da fixar tenor criteris schematics che risguardan aschi lunsch sco pusseivel tut ils avantatgs e disavantatgs resultonts digl implont.

Ils interess dil maun public e dils proprietaris da schischom ein da risguardar commensuradamein.

Schischom dalla vischnaunca politica e dalla vischnaunca burgheisa, dalla pleiv e dad otras corporaziuns publicas ei suttamess allas medemas reglas ed obligaziuns sco schischom privat. Resalvai ein contracts da dretg privat ed entelgentschas specialas cun persunas che nezegian ils implorts publics sur mesira.

Tut schischom situaus en il territori da perimeter ei da tschaffar en la procedura. Scadina parcella vegn tractada separadamein.

Da risguardar ein tut ils cuosts ch'igl implont caschuna inclusiv ils cuosts da projectazion, digl acquist da terren, dalla direcziun dallas lavurs da construcziun ed ils tscheins da baghegiar sco era las spesas da procedura da perimeter.

La summa totala dallas contribuziuns dils proprietaris da schischom astga, ensemen cun las prestaziuns eventualas dil maun public e da tiarzas persunas, muntar al maximal ils cuosts totals.

#### **Art. 3**

##### ***Calculaziun dallas contribuziuns***

Ina part dallas contribuziuns d'avertura ei da contribuir sin fundament dalla surfatscha dil schischom, l'autra part tenor il schazetg ufficial dalla surbaghegiada. Tier schischom aunc buca surbaghegiau vegn la contribuziun da colligaziun fixada sin fundament dalla utilisaziun da baghegiar pusseivla.

Ils pagaments per la cumpart dalla valeta da baghetgs crodan pér cura ch'ina surbaghegiada ei ni vegn realisada.

#### **Art. 4**

##### ***Fixaziun dallas contribuziuns excepziunalas***

Ston las contribuziuns vegnir calculadas excepziunalmein secund la valeta dil schischom, ha quei da succeder tenor las zonas da perimeter ch'ein da stabilir.

Per schischom che vegn nezegiaus puril e per terren ordeifer las zonas da baghegiar ston las contribuziuns vegnir calculadas sin fundament dalla valeta rendita, en tuts auters cass sin fundament dalla valeta commerciala. Mida il schischom il néz puril enteifer 20 onns naven dalla conclusiun della procedura da perimeter, sto il proprietari pagar suenter la differenza denter la contribuziun tenor valeta da rendita e tenor la valeta commerciala dil temps dalla procedura da perimeter.

Per schischom surbaghegiau valan ils schazetgs ufficials.

#### **Art. 5**

##### ***Scadenza***

Las contribuziuns ein da pagar enteifer il termin fixaus en la decisiun da perimeter.

Ein ils implorts gronds ni il cuoz dall'erecziun liungs, sa la vischnaunca pretender acontos e preveder pagaments en ratas.

En cass da direzia, specialmein sch'il schischom representa ina part essenziala dall'esistenza purila, sa la vischnaunca refierer il pagamento totalmein u parzialmein cun ni senza tscheins per maximal 15 onns.

#### **Art. 6**

##### ***Relaziuns semidadas***

Semidan las premissas che han giustificau la contribuziun da moda essenziala enteifer 10 onns dapi la conclusiun della procedura da perimeter, sa vegnir pretendiu ina nova taxaziun.

Nazégia in implant, per il qual proprietaris da schischom han pagau contribuziuns, posteriuramein ad ulteriurs proprietaris da terren, sche ston quels rimbursar als emprems ina part commensurada da lur contribuziuns. En tal cass ei il stan digl implant en quei mument da risguardar.

Baghetgs eregi enteifer 20 onns suenter la conclusiun della procedura da perimeter, san vegnir constrenschi a contribuziuns supplementaras tenor art. 3 alinea 2, sche la contribuziun tenor schazetg dalla valeta da construcziun ei pli aulta che la contribuziun pagada oriundamein.

**Art. 7*****Obligai alla contribuziun***

Las contribuziuns ein da pagar per regla entras ils proprietaris da schischom. Tier parcellas en dretg da baghegiar veggan las contribuziuns incassadas dalla persuna cul dretg corrispudent, tier habitaziuns da cumproprietad dalla cuminanza dils cumproprietaris. Responsabels per las contribuziuns ei il proprietari ch'ei impurtaus el register dil cudsich funsil il di dalla decisiun da perimeter.

**Art. 8*****Pègn legal***

Il dretg da pègn legal tenor art. 162 dalla lescha introductiva al cudsich civil svizzer vala per las contribuziuns da perimeter.

**Art. 9*****Pliras proceduras; pliras zonas da perimeter***

Schischom sa veggir constrengschius en pliras proceduras da perimeter. Eifer il medem perimeter san zonas cun differenta interessenza veggir stabilitas.

**II. PROCEDURA****Art. 10*****Termins***

La procedura da perimeter sto veggir instradada avon che las lavurs da construcziun veggan entschattas. L'exposiziun publica dallas decisiuns da perimeter duei succeder sil pli tard dus onns suenter ch'igl implont ei finius.

**Art. 11*****Decisiun davart l'execuziun***

L'instanza cumpetenta decida, schebein ils cuosts d'in implont ein da surprender entiramein ni per part entras ils proprietaris da schischom e fixescha la cumpart da quels e quella dil maun public.

La part dil maun public astga buca surmuntar:

**70% tier vias da rimnada**

**40% tier vias da quartier**

**10% tier vias da quartier privatas**

Tier meglieuraziuns ed asfaltaziuns da vias existentes che surveeschana era alla publicidad astga la cumpart dils proprietaris da schischom buca survargar 40% dils cuosts.

En la decisiun iniziala vegg il territori da perimeter cunfinaus.

La decisiu iniziala ei da publicar cun far attent sin la pusseivladad da recuorer tier la Dertgira administrativa dil cantun Grischun enteifer 20 dis encunter l'applicaziun dalla procedura da perimeter, las cumparts e la cunfinazion dil territori constrenschiu. Ils proprietaris da schischem enconuschents, en cass da habitaziuns da cumproprietad lur administratur, vegnan informai en secret cun la medema instrucziun davart ils mieds legals.

### **Art. 12**

#### ***Cumissiun da perimeter***

La suprastonza communal sa schar eruir las contribuziuns dils proprietaris da schischem entras ina cumissiun neutrala. La suprastonza communal pren en consideraziun ils resultats dalla cumissiun, ei denton buca ligiada vidlunder.

### **Art. 13**

#### ***Mussaments: Udida da dretg***

La cumissiun e las instanzas incumbensadas d'eruir las contribuziuns han il dretg d'investa en tuts acts necessaris inclusiv il cudisch funsil. Ellas san interrogar ils proprietaris da schischem e lur affitaders e migiurs.

A tuts cumpigliai ei da dar la pusseivladad da presentar lur pugn da vesta. Quei ha da succeder avon la calculaziun dallas contribuziuns.

### **Art. 14**

#### ***Decisiun da perimeter***

La suprastonza communal dat la decisiu da perimeter. Quella cuntegn las suandontas indicaziuns:

1. La referencia alla decisiu iniziala, l'eventuala elecziun dalla cumissiun da perimeter, ina survesta sur dalla laver da quella, ils criteris applicai ed ils motivs generals dalla decisiu.
2. Ils cuosts totals digl implont.
3. Las subvenziuns eventualas.
4. La cumpart dil maun public per l'interessenza publica.
5. Ils cunfins dil territori cumpigliau e la repartiziun dallas differentas zonas.
6. Ils schazetgs ufficials dalla valeta da construcziun, per terren agricol la valeta da rendita.
7. La tabella completa cun las contribuziuns dils singuls proprietaris da schischem.

La decisiu da perimeter cun tuts documents utilisai vegn exponida publicamein per investa sin canzlia communal duront 20 dis. Als proprietaris da schischom enconuschents, en cass da habitaziuns da cumproprietad a lur administratur, vegn la decisiu da perimeter comunicada en secret cun visar vi sin il dretg da recuorer tier la Dertgira administrativa enteifer 20 dis naven dalla communicaziun.

### **III. ULTERIURAS PRESCRIPZIUNS**

#### **Art. 15**

***Colligaziuns  
privatas als  
implorts  
publics***

La radunanza da vischnaunca, ni il cussegli da vischnaunca, decidan, schebein implorts cun néz exprimi privat ein dad ereger entras ella ni entras ils proprietaris da schischom.

La suprastonza communal ha en scadin cass il dretg da surprender en num dalla vischnaunca la projectaziun e schar exequir las lavurs per incarica da quella.

La radunanza da vischnaunca ni il cussegli da vischnaunca, decidan schebein la procedura da perimeter vegn applicada.

#### **Art. 16**

***Dretg cantunal***

Dil reminent valan las prescripziuns dil dretg cantunal, specialmein la lescha da perimeter e quella davart la planisaziun spaziala.

#### **Art. 17**

***Determinaziuns  
finalas***

Cun l'acceptaziun da questa lescha entras la cuminanza dils votants piardan tuttas prescripziuns communalas che stattan en contradicziun cun questa lescha lur vigur, specialmein ils artechels concernents dalla lescha davart l'avertura da schischom.

**Art. 18**

***Vigur***

Questa lescha passa en vigur cun l'acceptaziun entra la cuminanza dils votants e l'approbaziun dalla Regenza dil Cantun Grischun.

Questa lescha ei vegnida approbada entra la votaziun all'urna dils  
**20 da mars 1988.**

Il president communal:

Walter Decurtins

Igl actuar:

Gustav Rothmund